

一齋遺稿
單

D3B

1887


古第

020118

號

冊

一齋遺稿



한국정신문화연구원
장 서
등록번호: 020118

一齋遺稿序

西華印

古之君子尚德不尚文叔世以降其德不尚文
寧野而不史者又不易多得也故友一齋柳公
聖通師事我 毅堂先生崇德制行爲世推重
而著述則不甚肯有意也公之歿其從侄龍秀
以其遺籍來示余曰從叔之德之懿雖不全在
是而後之考其人者會是又奚以子其圖之余
未聞久之我公平日尚德不尚文者槩可見矣
然其未脫彙者亦三之一焉乃敢編輯得若干

篇又發吾篋得往復穀書繕寫而歸之嗚呼崑
山片玉亦足爲具眼之所尚也夫庚子四月甲
申坡山尹膺善序

一齋遺稿

詩

暮春

送申

晦堂

第儂

子身

讀書

送別

自得

一舍子度

目錄

山

是訪山齋夜話

庶士友風集以耳目聰明

贈蔡星一歸省原州

書

上毅堂先生

與尹君瑞

與朴寬五

與李君聖來

上毅堂先生

與尹君瑞

與張振玉

與尹君瑞

雜著

心性氣質物欲說

免危山房讀書記

毅堂先生語錄

附錄

傳

祭文

再祭文

一
祭文
目錄

二

行狀

跋

一齋遺稿

詩

暮春登兔危山

久待天日好快哉遠上山徒倚晚風立春融宇

宙間

送申上舍

鳳均

天下何多歧坦坦自有路君今由此去畢竟濶

地步

晦堂尹兄見訪山齋夜話

雲生用夏出遠騰野人居終俟丹田雨春心一

夜舒

第億山 函席士友咸集以耳目聰明男
子身分韻得聰字

遙尋第億山山深左海東嵐雲映依依樹樹
葱蔥此間君子居不染世塵紅知危相憂道講
論志氣通今日林下士尚友千古同孔聖以一
貫虞舜達四聰入道仁與義上帝惟降衷滔滔
底世界盡八羽毛叢天理何渺茫回首仰蒼穹

嗟歎按節使三陽
靈春風事變雖不
存物理有無窮
天道員德和萬化
生生中圓腦方趾
書胡不竭赤忠謹
爲道家主敢告靈
臺翁一篇何感
慨詩歌歌復終

讀書山房

萬樹巖間一草廬
緣何鳥獸共羣居
淫邪或恐聲來耳
獨閉山門故讀書

送別復齋尹上舍子度

續

世道多歧此別難
滔滔狂浪我心寒
江上送君

無語立春天如水斷鴻酸

贈蔡聖一

東隱

歸省原州

見君奇氣罕今時進學工程也不遲從遊函席
寧無日獻壽萱堂之有期薄冰古渡多危甬險
徑千岐審問之萬事奚須求此外懇懃寄語更

題詩

書

上毅堂先生

丁酉三月

向於沙湖回東燠來始得承候烟突風壁氣力

靡寧惟以日拜先墓爲樂聞甚鬱悒旋卽自疑
其不得周旋門屏以供職爲也小子素以朴陋
之質愚蒙未聞及望我先生之指引若啜兒
之不能自言其意而望慈母之乳也今當遠離
何以支保乎向日拜辭之際下問之至意不敢
敬對詳悉歸而思之心愈悚惶其於眷念之意
踈矣事師之禮闕矣此非平日懶敬回循之病
有以不力於致知力行之故歟伏願特垂固守
之方以警醒昏愚而留俟趨侍之日庶免馮婦

之笑則其受賜為何如哉吁欲言者多而辭不

達只此伏祝道體循序康泰惟冀下燭

與尹君瑞

乙未段叔憂作從師八第億山為殉道計時君瑞病不從來

八山以來最可幸者丈席氣力別無大損深可

慮者吾兄慎節不是細症遙為之憫也今承少

可稍慰心神師友相離何時不感豈有如今日

者乎書不可以盡言寧不如不言之為得也但

所願望者只是生並為吾道中人而死同為華

夏鬼吻已更無他念也然此時分在涯角固病

勢之不得已也非人力之所可與者惟冀充用
力於涵養工夫深自寬平護道自重也日間與
孝隱兄聯袂進敘計而世變煽禍道路艱甚未
知如何漏萬不備

與朴寬五

衡數。丁酉三月

下山有日矣春和漸舒伏不審。丈席氣體康
強老兄慎節漸起允友安待否並切溯祝窮山
新寓生活辛酸過無惱神耶爲慮殊深遠必辭
退後對案而見第億山閉眼而見第億山坐臥

起居遍是荊億山將何以定神耶長望南雲莫
知爲懷也顧今日是何等時此事又何等義耶
此時苦樂不能與之同乃敢偃然作世上人是
可曰道理耶瞿然自訟不覺悚汗函丈平日爲
老兄勉以寬字之戒傍人之所共聞而兄旣講
而行之久矣復何贅爲也然慕老兄之德莫遠
必若也知老兄之病者亦莫遠必若也老兄至
孝也其於厨養供奉之節爲勢耶迫或不免有
怨咨嗟及則慮不無熱中之時此遠必之所先

病而未醫者也固立日之所講及而相慶者故
復爲兄辭之功以人所慶言也且老兄有宿疾
而火爲之祟也加以熱中則是火上添油也得
無爲老翁惟疾之憂而或致久孝之歎耶是可
懼也以若老兄之孝之篤亦何患其用力於此
乎區區之忱不容不竭而亦豈易言到此耶餘
萬不備

與李君聖來

呀慎寒邪間得稍祛耶未知甚鬱夫疾病之來

固有死而使之添之減之者亦有其道又
死生所係則不其可懼乎死生固命也亦何懼
之有然此身非我私物乃父母之遺體也豈可
忽乎古來聖賢無所不慎而尤慎於疾者良有
以也若其調治之方莫如平心順氣克己節欲
而藥石次之也然其所以為次者今不可得而
為之病則是固為死者之責也愧歎奈何既不
能藥則惟在攝養之如何而已慎勿晝眠亦勿
恣意食飲以較其害也雖在山齋亦能朝夕

視情所難堪幸勿以此歸之空言須加之意也
叔父主命賜一狗俾助病胃固在致養之地選
爲未安然亦不敢辭卽借人捕致濃煎成膏以
服之也亦不可任內問之爲也必親自檢詳無
或致誤也此亦慎疾之一道也勿爲放慢至望
至望

上穀堂先生

旆曰伏聞道體度以痰率屢日夕寧間已復常
否伏鬱且憫小子方在山齋爲養閑計兩近地

士友冠童來者衆則處之亦難安來者固無可
拒之義而受之恐或有誤人之歎亦可懼也實
無相資之輔助讀書之虛聲播人尤可愧也奈
何頗敬之戒雖欲自力而志氣不逮未能奉承
其萬一甚悚餘伏祝燕申以時康泰伏惟下鑑

與尹君瑞

一書來作戒疑端友朋間有便無言劫非相愛
之遺悔何可及即承惠誨其呀以忠告爲輔者
非有惻怛之至而能如是乎僕僕爲感警得息

慢者多矣問經文屬惑疾而不得省待之之時
慎亦不審視自訟于中始覺師友之不可遠雖
也愧不容言未審侍體為道增重獲眩近稍可
耶願聞遠心近在山房與一二友徒講習討論
非不好事而亦豈愚陋之邪敢妄者罪不增壞
了人材之懼而已盡慎事草本問奉來云尹友
之誠力可敬安靈之謀何以為念耶如有好策
指示則謹當受教矣餘在從侄口中去惟希惠
察

與張振玉

始錄

甚矣兄之病也奈之何昨病今病而病
側耳於聖武便兩既報以病拭目於
又憂以病無乃以足之病而足為聞
實不欲聞而憂之甚也然其憂之也
私書尺之例而已也顧今日何等時世
吾道日孤能講明道義扶持斯文者
遇之所以憂之者道也非私也若其
文席書已備矣調治之方晦堂之衷

一齋遺稿 卷之四 與張振玉 始錄

何敢贅然則閑養乎文字之上游泳乎泉石之
間拔去病源能復卓然而立奮然而振勿孤師
友之望是所爲祝惟冀諒察

與尹君瑞

己亥三月

連禘未書誠非不勤也情非不深也但畏難於
文字以致不慙可愧可歎隨便闡闡只謂好消
息覺得甚好栗翁云君子憂道不啻憂貧信爲
吾兄今日準備語也爲之欽歎耳昨聞教實之
言而思之則師門所以爲兄憂之者實以萬不

得已之命而實愛之深而慮之遠也吾兄立志
高矣信道篤矣方汲汲於聞道奚暇躬耕行傭
之埋沒精力為也此志誠高且確矣然其於親
屬之難繼何且兄之今日處義可謂至難固不
可遠離以絕士友之望必須變通於近地則不
害為八山之義而亦豈易為謀者耶且近日深
慮者遠必之所知也孟子謂免於死亡然後驅
而之善故民之從之也輕夫為家何以異於為
國吾兄聞義已精美愚陋何敢議到于此所以

陳區區之衷者以寸楨之撞欲發洪鐘之聲也
望須洞開精蘊復以見教之則受賜多矣弟善
病人也近日所崇尤非尋常也必其昏陰之氣
有以毒之也既中其毒則不惟氣血為病而已
知覺亦受毒矣素以昏昧之知覺又受昏陰之
毒則不其大可懼者耶惟冀尊照

雜著

心性氣質物欲說

人之為道而無此性無此質無此物則不可以

爲道也天道流行賦於人而理以爲性氣以成
質物以爲具內而五臟百體外而耳目口鼻四
肢皆物也有是物所以有此質也有是質所以
有此性也性不可以離質質不可以無物此天
理之固然人理之所不可闕者皆善也何嘗有
不善乎然形既生矣氣有清濁粹駁之不同歆
有聲色臭味之無窮所以害乎本性流而爲不
善有不可勝言者何也性本善也而既具於氣
又不能無歆則其所謂不而無窮者有不得

不相回而相乘者如此此其為不善非性之罪也乃氣質也物欲也此聖學所以變化氣質克去物欲而復其本性為準則也只是一箇心而已心者主乎身者也指性曰心指質曰心指一物而曰心則未可也然別於此性此質此物之外求所謂心則惡乎可哉有善無惡人之本性也好善惡惡人之本心也亦豈有不善其所以失之者氣欲之私也所以復其本者變化克己之功也故堯舜性之也而以人心惟危道心惟

微吉之湯武身之也而以克念依聖罔念作狂
戒之孔孟至聖亞聖也而以克己復禮遏欲得
理發揮之程朱大賢也而以懲忿窒欲遷善改
過講明之推此觀之性氣質物欲之外別有甚
廖事耶蓋天賦人以性而不能使人各盡其性
賦人以質而不能使人各順其氣具人以物而
不能使人各制其欲人而能盡性順氣制欲者
其惟心乎故聖人設官命職建學立師教以萬
世心法以盡人物之性而風俗之美非後世之

亦能及也世降道微聖遠教弛異端起邪說行
入肆其欲士習其氣修己立誠之道幾乎息矣
講學明道之方不復見矣天未欲使斯民躋三
代之域耶奈之何挽近夷狄猾夏鬼妖惑人至
今日而極矣嗚呼山溪暮途起視四境人皆醉
生士在鬼裏恬然坐視懵然不覺將為夷狄乎
將為鬼魅乎未敢知也于斯時也其可不用力
於求道之功也耶求之必無不得之理行之必
無不達之理苟能用力於敬而涵養本原窮理

秀而竒者曰玉女峯峯之東巖石竒窅草樹葱
蒼平穩可居者曰細谷谷之上有數楹矮屋寄
在巖間即余之所謂山房而往來嘯傲者有年
矣歲乙未夏世道大變艱虞日甚我 穀堂先
生撫經號慟曰末之何也世界純坤我安適歸
余拱手請曰見今世變方劇猝難遠動盍於山
房謀遷書籍姑爲入山之義乎先生曰子其圖
之於是從之者數十人與之講習無虛日先生
喟然曰今日此事不其可貴矣乎衣冠不可廢

也講學不可怠也禮事不可忽也禍福之來天而已蓋其教之者循循有序自灑掃應對以至格致誠正皆有節度講形氣性命之分析義利邪正之別辨華夷人獸之判日陳於前靡不用極雖童叟稚子莫不知義理之攸在嗚呼其憂道之誠扶持之功有可以質鬼神而俟百世也朱子曰其憂之也深故其言之也切宋子曰處而扶持以不扶持而扶持其吾先生之謂乎愚雖無似忝在講席之末亦得以與有聞焉苟能

窮理盡性惟精惟一以用力於扶陽抑陰之功
則可得以免夫人心之危而今日吾道之危亦
有以庶乎免矣然則信不愧此山之名而亦不
負先生之望於吾人也夫其歸也幾遂其事而
記之

穀堂先生語錄

○壬辰六月二十三日 先生將讀書于明倫
堂冠者七人童子四人從之既至 先生使
童子灑掃明倫堂仍回瞻 殿廡墻垣頽圯

草荒蒺地慨然若有不豫色各就坐 先生

誦中庸一遍

○翌朝行相揖禮皆坐 先生曰凡學者之不長進病在不窮理不窮理則不好問不好問而長進者未之見也

先生曰大學只是一明德而已須要着力喫緊繼以明之之工以性言則仁義禮智之光明正大者也以心言則心之至善也章句因其好惡而遂明之句學者眼目

○天大雨堂滲漏 先生方講說遠矣見其背
後衣露趨急告 先生無異色徐言曰 殿
內無或滲漏乎

先生曰朋友團聚天下之好事也務要相愛吾
見相愛時少見過失時多然則奚朋友為哉
要見過失時便是自家心不好是過失也

○或言明倫堂讀書是要名也遠必以吉 先
生正色曰可戒也或之言無或恠也然諸君
勿干胸中但務實自脩而已且毋向人道也

先生曰此來未有大過歸後處獨亦然否

先生曰弟子職溫恭自虛志無虛邪兩箇虛字
不同又曰意欲實心欲虛觀大學誠意正心
兩章可見矣

○崔烈問顏子之樂程朱引而不發何也願聞
之也 先生曰若學得顏子盱好之學而年
歲以來之則顏子之樂庶乎可見矣今當問
顏子之學而不當意於顏子之樂也學之至
矣亦自樂其樂矣程朱兩先生引而不發使

人用力於博約而欲其嘿識也又曰昔有人
以樂道告之程子曰有道可樂便不是顏子
鄒浩聞之曰程子之高明不可及也按此說
有味樂不外道而曰樂道則道與我二也觀
安仁一也利仁二也之言可見矣
先生曰貧賤也其人富貴也其人憂戚也其人
戚武也其人然後可謂大丈夫
先生在溪上顧謂漢叟曰人莫不愛泉石之勝
此道心乎人心乎可惡也

先生路見稻發穗可愛手撫之顧左右曰天說
生人又生此物其意欲使人食此物也然則
以此人食此物其當爲者其事以答天之意
也耶

○漢復曰毀謗之來雖不相辨不好底心不能
無矣 先生曰這便是愷吾事在吾而在人
乎哉

○甲午陽月諸生會于屏山之陽受業于先
生學徒日進書舍不能容

先生誨之曰諸君知為學之方乎其要在主敬
主敬之工無也不過擇得此心除却雜念正
衣冠尊瞻視整頓几案齊飭冊子不妄言笑
動靜有觀勿攻他惡要以精心讀書應事以
理也

先生曰人之行非正則邪務要責在我之道各
自責為心則雖許多人皆一於正而不紊矣
吾未見外不正而內正者也

○講罷 先生曰諸君之平日動依盡如今日

則做好人何有

先生曰讀書先要見聖賢用心聖賢用心大都明斯道也為生民也斯道不明則人之類淪胥為禽獸矣

○毀服變作 先生曰痛矣今日之變也所謂士者閑先聖之道講先聖之言此服而可毀乎諸君其各勿撓

先生曰吾見諸君不精甚矣華西曰人之所以不及聖人者以其處也自古無處聖人

先生曰諸君勉之哉青出於藍而青於藍

先生曰孰不言也謹書言之道也書齋志非他
比也時俗紛撓之說有或出口者耶戒之戒
之

先生之孫冕孝授論語 先生手指文質彬彬
然後君子節謂遠必曰不可偏也質之野文
之史皆病也病則寧野而不欲史然野亦奚
取子其病野矣其無偏乎昔洪思伯嘗致書
曰北方學者質多文少其勉之哉余初甚不

蒲後覺得爲善言也

先生曰可惡哉前知之惑人也前知而可尚也
則爲人臣者知國之將亡則將助之亡耶爲
入子者知親之將死則將助之死耶臣子誠
心盡力在此否則亂賊也然則惡用前知爲
哉

先生衣弊怕寒門徒欲製進 先生聞之曰此
固分也毋以爲也錐爲之吾甚不悅也遠必
叔父聞之曰毋以衆力爲也我有二稱一可

獻也固義也何不受從侄龍秀以告先生
曰取之葦非義然竭忠盡歡吾輩受之命遠
必往止之後龍秀虞憲爲之裁行衣一件願
獻之不得已受之

○旬講至日昏纔訖 先生又命誦白鹿洞講
規曰豈以日昏而怠邪其各精心同聽學者
工夫只在此五條也可謂辭約而意備朱子
真萬世師也

先生嘗獨立於庭諸生趨而侍適山雉集于園

啄而不去柳濠振曰可捕也 先生曰母何
欲也無故而害物非仁也此物時八大水爲
屬八水豈不死非死也乃化之也不容已也
人之捨生取義殺身成仁亦猶是也

先生窮甚長子衡教至誠以養洞洞屬屬猶恐
不及冬寒體無全衣躬樵爨突夜必再使身
之具莫不親執猶自謂稟氣甚陋未達事親
之方也

先生曰所謂止夫只在處得善而後說訟訟

俱開恰好不已此是進德時節諸君能有是
否無則吾未如之何也已

先生讀書或至小學祭儀節親戚既沒節要訣
事親章輒未嘗不涕泣

○十二月五日 先生母孺人忌辰也前一日
先生不接外人專心致齊日晚遠必與膺善
進 先生拱手危坐有淚痕見几上有一冊
子膺善進曰此是先考妣行狀乎 先生曰
然子孫可法者在此吾今日不至大狼狽皆

吾兩親所賜也

先生曰陸放翁詩掩卷餘味在脑中此翁能味書也

先生曰世之所謂巧者吾不知也巧莫如心心一正則容貌辭氣無不正何巧如之

先生曰書者活物也須要活着看書中許多說話只是聖賢真心本活者書亦活吾心亦活

○李真寧來謁 先生曰近日何為對曰與夫七冠童讀書 先生曰可益也程子之言曰

人教小童有四益對之正衣冠一益也授人
黻黻已亦了此文義二益也絆已不出八三
益也常以以已兩壞人之材爲憂不敢惰四
益也

○二十六日冬至 先生以緇冠幅巾深衣大
帶行祭禮後出書齋諸生皆再拜後相揖而
坐 先生曰今日一陽始生吾甚喜之其爲
卦復也天地一陽之初動而元之始也故君
子齊戒以神明其德况乎今日重陰世界耶

諸君其各知此而勉之

○遠必問涵養時胸中如水欲溢 先生曰何其然也所謂涵養不容緊不容慢只喚醒此心恁地在只是一箇主宰嚴肅而已使吾腦中依閑世界而已纔覺得乾枯涸燥便不是涵養

○又問行路時心在路上是敬也又在念書則非主一也 先生曰一者一事一於此敬則一也此則此之敬彼則彼之敬

先生曰觚不觚觚哉觚哉人不人入哉入哉
不心心哉心哉

○李真寧申鳳均將歸請一言贈先生曰先
立其大者小者不能奪養小失大者不足與
議也

○遠必入曰今外人皆言舊服能無禍乎先
生曰何懼乎義之小者猶不敢忽而况華夷
之大防乎禍福之來天也

先生曰余讀伯夷傳竊怪附青雲之士一句何

意歎史遷視伯夷以爲名乎

先生曰盱謂學學仁而已須要去私私則不仁
知私難去私尤難孔門諸子惟顏子爲能

先生閒居遠必侍 先生曰孔子曰後生可畏

四十五十無聞焉不足畏也可無畏乎朝聞
道夕死可矣可無聞乎朱子曰一歲有一歲
之工夫此後生可畏之實也便年八九十歲
覺悟做去此朝聞夕死之實也

先生曰心一箇知覺也衆人之知覺以形氣君

子之知覺以性命

先生曰讀書之法先看他綱領次看得節目如
讀孟子一書亦有仁義而已一節是大綱五
畝之桑百畝之田一節是王政實事卷氣章
是工夫關楊墨是事功

先生著網巾時謂遠必曰余自以網纓之結於
左三屈於右兩屈陽從陽陰從陰合五穀爲
度或否則必解而復結此雖細事亦未嘗忽
焉

先生曰孟子曰以齊王猶反手也又曰當今之時舍我其誰其話頭何等高大難量然其事則不過五畝之桑百畝之田雞豚狗彘使民不飢不寒申之以孝弟而已然誠如是也隣國之民望若父母而歸雖欲無王得乎

先生誦敬齋箴一遍曰敬之義大矣哉人豈之判賢愚之分只在敬怠之間誤一口飛翻天倒地錯一足墮坑落塹不其可懼乎昔有問於余者曰大學明德章句無敬字余對曰非敬

而有能明明德者乎章句曰其所發敬之精神也
遂明之敬之工夫也復其初敬之功效也有時而昏不敬時節也又曰讀書萬遍不敬儘無功

先生曰蚕之吐絲可謂神矣自掃卵至緣薪三眠外無一息之不食至絲限不食不食則絲出矣絲出而無一息停於斯時也蚕之滿肚裏豈不全是絲也然或誤觸而傷見其腹裏只有青汁無一點絲在則只是絲生出在口

際而已無中生來若是速耶不惟絲爲然也
人之言說亦然只生出在口唇之際曷嘗有
言語在腦中來不惟言語爲然工夫亦然明
明德之工具足于中則脩齊治平之道其出
無窮胸中曷嘗有事物來此呀謂道之本然
理之自然神乎神乎

一齊遺稿

一齋遺稿附錄

傳

毅堂先生

柳聖通者清風人也名遠必以失學資氣好孝
友謹厚踴躍鄉曲年四十而得朴年吉者從之
遊喜曰吾幸而不虛生讀書勵行十年來世稱
免危山下一齋處士者卽其人也毀形變俗度
生義不兼毅然以義自靖人謂聖通殆死矣變
寢入免危山啖糠讀書往往有少輩從學者年
吉嘗謀遷其親墳墳在平康七百餘里老病戒

二子行聖通乃奮然共其後凡二十有七日而
返又許以先山餘穴欲其葬年吉感激未安而
不敢受年言入第億山窮甚百里相遠聖通周
之殫力見困於人而不之憚至或負米以救之
其自奉不給往往有未炊而其誠力如此苟亦
不十里行人強之對曰吾師八山今日避世義
也尹膺善則從之吾未也顧勢不獲也又安敢
恣意無恥於蹄跡乎執禮不苟嘗於妹子之冠
也其曰 國恤卒與也邀之不往人難之對曰

吾朝已哭矣又豈赴宴為也而况語之而曾莫
之聽也年吉昔嘗與之往其從氏家從不在使
其入內問之不肯曰非歲時及祭祀不得已之
故則不八年吉多之曰不踰闕則善矣子無已
嚴乎其行已類如此士友推重鄉里敬憚其為
人也窮約而好禮倉猝而詳密處已謙謙而言
論愈嚴愈正遇事坦坦而處之若淵若水年吉
有事輒叩質乃行嘗曰吾得有聖道吾無憂乎
聖道死年吉慟甚曰彼夫人之為而誰為士友

加麻者衆嗚呼使若人而天不假之年斯文其
無福歟年吉名世紀今爲之會哀備德而立傳
者

祭文

歲已亥之四月二十有五日壬寅葬億山老友
朴世紀茲遣男衡教奉一楝果短爲文使之告
于亡友一齋處士柳聖通之靈曰聖通死耶聖
通死耶老病在百里之外生當今日可謂難矣
聖通死矣嗚呼勸哉嗚呼惜哉勸乎惜乎非夫

人之爲而誰爲慟哉惜哉

再祭文

吾友一齋柳聖通之云亡遽已周一歲矣而庚子四月二十有二日卽其小祥也前三日庚寅第億山老友朴世和力疾揮淚再爲文戒孫冕孝奉酒果往奠于靈座使之讀我文而告之曰慟矣慟矣人之友之而哀其死常也吾於聖通豈常焉而已哉聖通聖通胡爲而至於斯極平日之所懇懇有望於後生者君未之知也耶而

况老病餘生得有幾日也耶而况吾道之艱危
今日云也耶君未之思也耶聖通聖通胡爲乎
至於斯極世變日不可測君之卸却乎邪世固
已夫矣君豈有意者耶吾之冥頑而苟延者不
其可憫者乎君豈無心者乎昔嘗竊得於其骨
氣辭格而卜其仁者之壽之符者今於聖通改
是慟矣慟矣君之居世紀之門者十年左右我
先後我靡所不至變故患難不貳其心吉凶歡
戚不後其謀聖通而或可無世紀而不可

無聖通於是焉吾嘗曰吾無憂乎今焉已矣勸
矣勸矣忠焉貞諒焉不得而復見質直好義今
日何處得來吾為之立傳者有之亦豈足闡其
懿君之友尹君瑞謀所以彰之繕寫君文字若
干又為之狀其德君其有友乎使後之人得知
其有若人者庶不朽矣曩三月十日之生朝也
君未嘗不在是日而是日則不見君來而見君
之子繼德累然憂服而至相見涕淚被面不忍
成語其歸也撫其背而為之泣曰爾無忘爾父

之有望於爾也聞又其若叔若兄為之居師而
教之讀書寔君平日之志而廢乎瞑泉下之目
矣吾羨美詎又得久於陽界異日九原之會得
不異於昔日也耶意無窮而言有盡君其聽之
也耶未之聽也耶舉我之酒也耶未之舉也耶
已矣已矣慟矣慟矣。按諸士友又有祭文者
而今力簡不能盡載

行狀

尹膺善

公諱遠必字聖通初氏晉州著姓麗李有善川
君僻隱先生號藩節杜內洞四十八學士之一

也享陝川魯峯書院七傳知中樞諱璠嘗 崇
禎丙子倡義殉節寔公之九世祖也曾祖諱東
實祖諱在璣考諱德鉉妣江陵崔氏以 哲廟
辛亥三月初五日生公于丹陽基洞公性孝事
親以誠父老有疴疾小離左右侍湯藥養三年
如一日母嘗疾革公裂指進血獲痊復好施予
賄人不顧其橐罄所親或有窮不得娶周旋以
成之者亦往往焉既而從學於 穀堂老先生
之門得聞居敬窮理力行之說喜曰今而後吾

幸而不虛生學之十有年從容潛玩實心體行
諸生莫之或先也周章師門甚有方先生嘗曰
吾得有聖邇吾無憂予先生嘗謀遷其親墳墳
在平康七百餘里先生老病戒二子行公乃奮
然請往殫勞跋涉九二十有七日而返復以先
山餘穴請其葬先生謝辭不受然聞者莫不敬
服及毀形變作先生八第億山先墓下以爲殉
道計公毅然自任因生義今不可得以兼也遂
告先廟與家人訣執策往從于巖穴風雪之中

備嘗艱苦時膺善臥病在長善公貽書曰只願
生並為吾道中人死同為華夏鬼而已更無他
念也變遷八變危山峻嶮讀書怡然自適鄉中
子弟有從學者多既而世變日劇淫邪滔天公
杜門斂跡不十里行人避之公喟然曰吾老先
生入山避世義也吾今未之從勢不獲也又安
敢恣意無恥於蹄迹乎先生窮其地百里遠矣
亦復為之殫力周救至見困於人而不之懼時
或負米以助之也公執禮不苟嘗於從侄之納

婦也其日適值先忌公曰忌者喪之餘也安敢以慶相襲也遂使改日行之又於妹子之冠也其日國恤卒哭也邀之不往曰吾朝已哭矣又豈赴宴為也而况語之而曾莫之聽也耶又嚴於別男女之禮羣從之家非歲時及祭祀不得已之故則不入中門事叔父如所生致敬盡誠得其歡心凡有事輒召與議無不從其言祭和賓客必致誠慎族親故舊必推恩愛鄉維野氓咸稱曰某公真君子也公之病膺嘗問之在

旁日久病且革顧謂廩善曰使身後免用夷道
是望也况其念哉餘無一言及其私將絕寃免
而使人正之揮手却婦女輩勿近遂終焉時己
亥四月二十二日也得年四十九訃聞于第億
山先生哭之慟曰非夫人之爲慟而誰爲士友
爲之加麻者衆疾瘞于家後負乾之原後改瘞于石門
公娶原州李氏諱啓宗之女先公卒子男二人
曰桂秀出後伯氏曰芝秀未冠女二人長適劉
載德次適李德在嗚呼我毅堂先生倡道東

南士之遊其門者不可殫數蓋其篤信好禮務
實確守者公有聞焉既學之久而所講以聞之
者則曰道本乎性情而心爲之主心有未發有
已發未發而致性之中而立大本已發而致情
之和而行達道一思爲之幾也以故退而驗夫
虛閒靜寂之時求所謂中者而涵養益固推之
酬酢萬變之際求所謂和者而省察益精以之
接人應物閤庭肅穆而隣里交孚言論綽綽而
處已謙謙見人有過若隱避而不忍言視人困

之若切身而思濟之與鄉人處雖少者賤者極
其禮敬是以善者愛悅而暴悍者化服其處事
則雖倉猝急遽之時未嘗不坦泰然而亦兢兢
乎若淵若氷以求盡乎仁私之別而亦不自以
爲有故其言曰去私一款吾老先生之一平生
盡氣力以誘來學者也耳非不熟也志非不勤
也而但知有未及而力莫能與也其禮學則冠
昏喪祭講定長詳隣里親戚欲行之者則必躬
檢而糾正之尤長於鄉飲儀每書社習禮識者

未嘗不稱詡之其於華夷之分則衣服器用一
不近洋物而必痛斥之曰夷之亂華未有如今
日之極而人類胥溺盡化為禽獸鬼魅而莫之
止者彼物未嘗不為之祟也寧忍助瀾為也又
嘗曰民生於三事之如一倫之大者也惟其所
在致死而已又曰世間萬事變滅無常無樂可
樂而惟朋友之樂俟死為自家物又曰文者質
之餘也以言乎偏則文史而質野與其史也寧
野矣文為也以故其持心行己質多文少人或

病其不著述對曰有德者固有言無德而妄言
為也公資稟美而志尚高踴跡鄉曲寡合而人
莫之或知也晚而好學德日新而業日彰其將
博文以益宏其量約禮以愈精其義以造其極
而樹立吾黨者有不可量也嗚呼不幸而天不
假之年斯文其無福歟嗚呼慟矣尚忍言之哉
膺善晚而托迹於先生之門與之功業講廟得
公之賜厚矣固亦知之深而悅之久公既歿我
老先生既為之立傳謂膺善曰是不足以該其

行君其狀乎於是公之從侄龍秀以其所述言
行數段來付有不敢辭而撥其大略如右又復
取其遺稿一卷編整繕寫以歸之投涕曰嗚呼
公之歿歲已周矣師窮益甚而孰爲之周我愚
如故而孰爲之哉耶世道之變曰不可救寄在
漏卮華夷入數有不可知也嗚呼九原可諒矣
靈不昧也則倘有以冥冥默佑俾窮而泰而愚
而明也而回陽道之一脉得復生以震之也耶
謹狀 永曆五庚子夏四月上休日同門友坡

山尹膺善狀

一齋遺稿附錄終

卷

一齋遺稿

附錄



一
齊
道
和

跋

歲已亥夏吾友一齋柳公娶越明年庚子尹晦
堂君瑞父始編得其遺稿一卷以寄示且謂余
同門而知公深要一言記其後余奉讀日久悲
感興涕有不敢以不文辭茲畢愚以復之曰道
也者由師友得之故隆之而篤信養之而服勤
此倫理之大者而道乃可得而有於身矣嗚呼
今日我公其人也師事我 毅堂先生十年先
生器重之而其德行同門之士未能或之先也

嗚呼晦堂今日之役奚但爲愛惜其文以圖不
朽而已也哉辛丑季夏上浣同門友延城李夏

寧書

一齋遺稿一編其季氏聖來殫綿力八梓其從
侄敬實助之而實尹處士晦堂左右之力也將
印謂鉉國記一言於後余惟柳公之德之實我
毅翁既立傳晦丈又爲之狀足爲公不朽顧奚
贅焉然公之學真實爲己同好之士固有莫之
或能者嗚呼鉉國受其賜不數亦不能無感於

是役也癸卯三月辛巳平山申鉉國謹書

1 책 마지막